



№ 32/1-5 -son
2022-yil. «05» 01

**Ўзбекистон Республикаси Ахборот
технологиялари ва коммуникацияларини
ривожлантириш вазирлиги**

2021 йил 11 июндаги 32-11-сон топшириқ бўйича

Вазирликнинг 2021 йил 11 июндаги “Соҳа ходимларининг ҳуқуқий онги ва маданиятини юксалтириш бўйича” 32-11-сонли чора-тадбирлар дастурининг 69-бандига асосан Тошкент шаҳридаги Инҳа университетига 2022 йил 5 январь куни Норматив-ҳуқуқий ҳужжатлар ва улар лойиҳаларининг коррупцияга қарши экспертизасини ўтказиш тартиби тўғрисидаги низомни мазмун-моҳиятини тушунтириш мавзусидаги ўтказилган видеоконференция тарзидаги йиғилиш маълумотлари PDF ва PPTX иловалар орқали юборилмоқда.

Ҳавола: <https://inha.uz/uz/yangiliklar/>

PDF-иловалар сони: 3 бет.

PPTX-слайдлар сони: 12 бет.

Ректор в.б.

М.Джалалов



«ТАСДИҚЛАЙМАН»
Тошкент шаҳридаги Инха
университети проректори

М.Джалалов

« 05 » 01 2022 йил

Тошкент шаҳридаги Инха университетиди Норматив-ҳуқуқий ҳужжатлар
ва улар лойиҳаларининг коррупцияга қарши экспертизасини ўтказиш
тартиби тўғрисидаги низомни мазмун-моҳиятини тушунтириш бўйича
ўтказилган онлайн йиғилиш
БАЁННОМАСИ

Сана 05.01.2022 йил.

соат 11:20 да.

Тошкент шаҳри.

Раислик қилувчи:

Т.Турсунмуратов - проректор

Қатнашдилар:

Х.Акрамова - Юридик бўлими бошлиғи,

И.Юлдашев - Юридик бўлими бош

юрисконсулти ҳамда университетнинг барча

бўлим бошлиқлари ва масъул мутахассислари.

КУН ТАРТИБИ

**Норматив-ҳуқуқий ҳужжатлар ва улар лойиҳаларининг
коррупцияга қарши экспертизасини ўтказиш тартиби тўғрисидаги
низомни мазмун-моҳиятини тушунтириб бериш.**

Т.Турсунмуратов, И.Юлдашев сўзга чиқдилар

Тошкент шаҳридаги Инха университет (кейинги ўринларда –
Университет деб юритилади) проректори Т.Турсунмуратов йиғилишни очиб
берди, шундан сўнг университетнинг Юридик бўлими бош юрисконсулти
И.Юлдашев сўзга чиқиб, Ўзбекистон Республикаси Адлия вазирининг
2021 йил 24 февралдаги “Норматив-ҳуқуқий ҳужжатлар ва улар
лойиҳаларининг коррупцияга қарши экспертизасини ўтказиш тартиби
тўғрисидаги низомни тасдиқлаш ҳақида”ги 2-мх-сон буйруғи бўйича
қуйдагилар тўғрисида маълумот бери ўтди:

Ушбу Низом норматив-ҳуқуқий ҳужжатлар ва улар лойиҳаларининг
коррупцияга қарши экспертизасини ўтказиш тартибини белгилайди.

Мазкур Низомда қуйидаги асосий тушунчалар қўлланилади:

коррупцияга қарши экспертиза — норматив-ҳуқуқий ҳужжатлар ва улар
лойиҳаларида коррупциявий омилларни аниқлаш, аниқланган коррупциявий
омилларни бартараф этишга қаратилган тавсиялар ишлаб чиқиш ва чоралар
кўришга йўналтирилган чора-тадбирлар мажмуи;

коррупциявий омил — коррупцияга оид ҳуқуқбузарликларни содир этиш имкониятини яратадиган, коррупцияни юзага келтирадиган ҳуқуқий нормалар;

чеклист — норматив-ҳуқуқий ҳужжатлар ва улар лойиҳаларида коррупциявий омилларни аниқлаш бўйича намунавий шаклдаги саволнома;

ишлаб чиқувчи — норматив-ҳуқуқий ҳужжат лойиҳасини (бундан буён матнда лойиҳа деб юритилади) ишлаб чиқишни амалга оширувчи давлат органи ва ташкилоти;

адлия органлари — Ўзбекистон Республикаси Адлия вазирлиги, Қорақалпоғистон Республикаси Адлия вазирлиги, вилоятлар ва Тошкент шаҳар адлия бошқармалари, туман (шаҳар) адлия бўлимлари.

Коррупцияга қарши экспертиза коррупцияга оид ҳуқуқбузарликлар содир этиш имкониятини яратадиган, коррупцияни юзага келтирадиган омилларни аниқлаш, лойиҳани қабул қилишнинг коррупция ҳолатлари учун имконият яратадиган оқибатларини умумий тарзда баҳолаш, норматив-ҳуқуқий ҳужжатларни қўллаш жараёнида коррупция хусусиятига эга таваккалчиликларнинг юзага келиш эҳтимолини прогноз қилиш, аниқланган коррупцияни юзага келтирувчи омилларни бартараф этишга қаратилган тавсиялар ишлаб чиқиш ва чоралар кўриш мақсадида амалга оширилади.

Қуйидагилар коррупцияга қарши экспертиза ўтказишнинг асосий тамойиллари ҳисобланади:

- қонунийлик — коррупцияга қарши экспертиза Ўзбекистон Республикаси Конституцияси, «Норматив-ҳуқуқий ҳужжатлар тўғрисида»ги, «Коррупцияга қарши курашиш тўғрисида»ги қонунлари, ушбу Низом ва бошқа норматив-ҳуқуқий ҳужжатларга мувофиқ амалга оширилиши;
- тўлиқ қамраб олинганлик — барча лойиҳалар мажбурий тартибда коррупцияга қарши экспертизадан ўтказилиши;
- очиқлик ва шаффофлик — коррупцияга қарши экспертиза ўтказиш жараёнларида жамоатчиликнинг иштироки таъминланиши;
- холислик — коррупцияга қарши экспертиза холис ва беғараз, қатъий қонуний, назарий ва амалий асосда, тегишли мутахассислик доирасида, ҳар тарафлама ва тўлиқ ҳажмда ўтказилиши;
- мустақиллик — коррупцияга қарши экспертиза мустақил шахс томонидан ўтказилиши, манфаатдор шахслар фойдасига хулоса олиш мақсадида коррупцияга қарши экспертизани ўтказувчи шахсга таъсир ўтказишга йўл қўйилмаслиги;
- асосланганлик — коррупцияга қарши экспертиза натижаларининг асосланганлиги, холислиги ва текширилиши имкони мавжудлиги;

Қуйидагилар коррупцияга қарши экспертиза ўтказиш учун асосий ахборот манбалари ҳисобланади:

норматив-ҳуқуқий ҳужжатлар;

ҳалқаро шартномалар;

суд амалиёти;

расмий статистик маълумотлар ва ҳисоботлар;

давлат органлари ва ташкилотларининг маълумотлари;

илмий-таҳлилий материаллар ва нашрлар, илмий-амалий семинарлар, конференциялар ҳамда йиғилишлар материаллари;
ваколатли ташкилотлар ва ишлаб чиқувчи томонидан ўтказилган ижтимоий сўровларнинг натижалари;
оммавий ахборот воситаларида, шу жумладан Интернет жаҳон ахборот тармоғидаги расмий веб-сайтларда эълон қилинган нашрлар;
коррупцияга қарши экспертиза ўтказиш доирасида давлат органи ва ташкилоти томонидан ўтказилган ўрганишлар, шу жумладан бевосита жойига чиққан ҳолда ўтказилган ўрганишлар жараёнида олинган (аниқланган) маълумотлар.

Қуйидагилар нормаларнинг барқарорлиги ва ҳуқуқий мувофиқлиги билан боғлиқ бўлган коррупциявий омиллар ҳисобланади:

- сўзларнинг нотўғри қўлланилиши;
- ноаниқ ва асоссиз ҳаволалар келтирилганлиги;
- норматив-ҳуқуқий ҳужжатлар ўртасида зиддиятларнинг мавжудлиги.

Қуйидагилар ваколатлар, ҳуқуқ ва мажбуриятлар билан боғлиқ бўлган коррупциявий омиллар ҳисобланади:

- дискрецион ваколатларнинг кенглиги;
- аниқ белгиланмаган ваколатлар;
- давлат органларининг такрорловчи ваколатлари ва вазифаларнинг мавжудлиги;
- давлат органи томонидан ўзининг ваколатига кирмайдиган масалалар бўйича норматив-ҳуқуқий ҳужжат қабул қилиниши;
- вазифа ёки топшириқни бажариш учун ижрочида етарли ваколатлар ва ресурсларнинг мавжуд эмаслиги;
- кечиктириб тартибга солиш;
- манфаатлар тўқнашуви;
- афзалликларнинг асоссиз белгиланиши;
- норматив-ҳуқуқий ҳужжатнинг кучга киришини асоссиз равишда кечиктириш;
- ҳуқуқ ва мажбуриятлар ўртасидаги номутаносибликлар.

Юридик бўлими бош юрисконсульти И.Юлдашев томонидан семинар бўйича барча маълумотлар бериб ўтилди ва ходимларни қизиқтирган саволларига жавоб берди.

Баённомани тузувчи



Х.Акрамова